

# کھٹیا وٹیا

اشفاق احمد

# کھٹیا وٹیا

اشفاق احمد

نگ میل پبلی کیشنز ۰ لاہور



©PHOTO-LAB-APP  
Photo  
Lab  
PHOTOLAB.ME

*fly*



0153, INASx  
m8

ACCNO:-  
10,936

ضابطہ

۶۱۹۸۸

پبلشر — نیاز احمد

نگ میل پبلی کیشنز — لاہور

پرنٹرز — کمپائن پرنٹرز — لاہور

قیمت — ۴۰/۰۰ روپے

ISBN-969-35-0065-2

میری دسویں تے ایف اے دی درمیانی مدت  
وچکار جیون والی سعیدہ مرحومہ دے ناں !

# عرض گزارش

تہانوں سب نوں پتہ اسے کہ میں شاعر نہیں، نہ میرے کول شاعری داؤل لے تے نال  
ای میں کہے ایس جوع وچ اترن دی کوشش کیتی اے — ایہہ ساریاں نظماں وا وروے وانگوں  
اک پاسیوں آئیاں تے مینوں مہبوانٹیاں دے کئے دوہے پاسیوں بکل گیتاں۔

آج توں پورے بارہاں ورہے پہلاں ۱۳ جولائی دی دوپہر نوں ایس جوق مینوں قابو کیتا تے  
ستمبر دی بائی تاریخ نوں مینوں چھڈ گیا۔ جانداں ہونے نشانی دے طور تے میری شاعری دا گھڑا  
بھن گئی۔ اوہدے مگروں میں بڑا چارا لایا بڑی کوشش کیتی پر اک مصرعہ وی میرے نیڑے نہ  
ڈھکیا۔ ایہہ مطلب نہیں بنی ایہہ شاعری کوئی کیفیاتی یاں داروالتی شاعری لے یاں خدا نخواستہ  
ایہہ اُتے کشف دی تریل پئی ہوئی اے۔ یاں ایہہ وچ کوئی ڈونگھیاں گمراہی اے جیڑی وچی  
شاعری وچ ہوئیا کردی اے تے سیانے اوہدا کاڈھ کدھن لئی بڑیاں بڑیاں اوکھیاں گلاں دسیا  
کردے نیں — ایسی کوئی گل نہیں ایہہ تے بس اینویں ای سدھ پدھری جی ٹمک بندی اے جیڑی  
دوروں شاعری ورگ بھدی اے۔

محبت کرن والے تے ہڈے بندیاں دی آج وی ایس دُنیا وچ کوئی تھوڑ نہیں۔ سجاد حیدر  
ہوراں جدول میرے کولوں ایہہ نظماں سُنیاں تے راتوں رات بیٹھ کے اک بہت ای اعلیٰ تے  
تعریفیاں نال جھریا مضمون ایس شاعری تے لکھ دتا۔ میرا دل کرداسی اہہ مضمون دیا پے دے طور تے  
ایس کتاب وچ شامل کراں پر شکر اے اوہ کہہ کرے گواچ گیا۔ ممت زعفرانی کھندا اے "اوہ مسعود قریشی  
کول اے"۔ مسعود کھندا اے "سی تال سی پر شہید میرے کولوں سجاد نے واپس لے لیا سی"۔ تے



سجاد ہو ری کشدے نیں" یں اوھنوں دوبارہ جُٹ اپ کر کے کے نوں واپس کر دتاسی، ہُن یاد نیں  
آندا کس نوں دتاسی۔"

آؤر زول نال میرا سر ڈھنویں دیر توں وی لما یرا نہ اے۔ ہُن چالی وچ ایس اک دو بے  
واقعہ ہوئے تے گڈی ایتھوں تیکر کچھ یائے۔ اوس نے جدوں ایہ نظمیاں سنیاں تے کھڑے پئے  
گیا جی یں ایس نوں السٹ کر اگا۔ یں کیا "دور تن کر دے" اکھن لگا "ساریاں کراں گا"۔ یں  
اوحدے کو لوں ایہ نظمیاں لک لیاں پر جیڑھیاں جیڑھیاں اوھنوں یاد رہ گئیاں اوھناں نوں السٹ کرن  
توں باز نیں رہ سکيا۔ یں تے جدوں وی ایناں نوں وہیندا آں ایہی اکھنا آں جی نظمیاں توں موتاں  
سوہنیاں نیں۔

آج توں کئی سال پہلے محمد یوسف نگینہ نے ایناں نظمیاں دی کتابت کیتی تے فیر میرے نال  
گئے ہو گیا کہ اینے دُرھے کتاب کیوں نیں مچاپی۔ ہُن جو یں مچاپن لئی کدھی تے غلطیاں لان توں  
انکاری ہو گیا انج تے زامن نیں پر ایس کتاب دے سلسلے وچ ہالی وی گئے ای اے۔

یں ایناں نظمیاں تے عنوان دین دے بجائے نمبر دتے نیں۔ اصل وچ نظم دا عنوان میرے  
حساب نال بن وا ای نیں۔ اک دن بیٹے کے ساریاں نظمیاں تے عنواناں دے چو کھے جرن دا ترکھانم  
میرے کو لوں ہونیں سکدا۔ نا لے پتی گل ایہہ اے کہ مینوں تے اک تھاں ایہہ نظمیاں ای بھیاں  
ہُن جے کدھرے عنوان وی نال ای بھ جان دے تے یں اوہ وی بخ دیندا۔ ہُن تے بس اوس  
ویٹے دا اہو کھٹیا دتیا اے، ایے نال ای گزارا کرو۔

اشفاق احمد

"داستان سرائے"

۱۲۱- سی ماڈل ٹاؤن، لاہور

## ترتیب

۳۸	گھوڑے اندر تھا پایاں	۹	کاں کاں میں کیڑھے پاسے جاں
۳۹	بچنے میرے پیار سی سارے مل گئے آج	۱۰	میرے دل دا محرم توں
۴۱	آج بہہ جا دو گھڑی	۱۱	سو بنے رب دالین نغارا
۴۲	اسم شریف جناب دا	۱۲	توں توں توں، پیٹیا پنچے رُوں
۴۴	ڈاکھانے والال پیا	۱۳	اسیں کل مکے رہت
۴۶	وڈھے وڈھے شہ شکندر	۱۴	اُدھی راتیں اُتو بولن
۴۸	لگراں ہیٹھاں کھال، کھال وچ بکریاں	۱۹	پنھی واس کٹورائے کے
۴۹	بندیاں نول کی کٹا	۲۰	میری شکل ہے تیرے ورگی
۵۰	نیلے کچ دوپتے والی	۲۱	پچھے مٹنہ اوئے کھوتیا
۵۱	واہ واسوہٹ شہر سی	۲۲	لوڈو کھینڈے یار نال
۵۳	رات نول بولن والیے ہڈیے	۲۵	میرے کول کپہ دی شوک
۵۴	شاماں ویلے پئی دھپ وچ	۲۶	چھاوئی آئے پُل توں
۵۸	چھ ورھے دامیرا کا کا	۲۷	کندھاں اُتے ویلاں چڑھیاں
۵۹	جس ویلے میں کل مکھا	۲۸	دل دریا سمندروں ڈوگھے
۶۱	تیرے نال محبت پا کے	۲۹	قلعہ دی کندھ تے بابر بچے
۶۲	جے میں کالی ٹس ٹس کروی	۳۰	اُکھا گھاٹ فقیری دا
۶۵	بڑھا ہویا گنا ہویا	۳۱	بال کھینڈوے آپو ٹاپو
۶۷	اُدھی راتیں چپ چپیتے	۳۳	بڈل گئے میسنر وئے
۶۹	بابا بدھا	۳۴	اُکھا عشق سسی دا بُری ہسی دا
۷۱	ورھیاں پھنوں یاد نے تیری	۳۷	بُت کریلے دھاگے بڑھے واہ وا پکے



۱۰۰	۷۵	مہر محبت رو ہی تیر	۷۵	جے ایڈا مشہور نہ ہوتا
۱۰۱	۷۶	مُنہ ہنیرے اُنٹھ کے سیر کرنی چندی اے	۷۶	اُپتے اُپتے تھکے تھکے کالے سٹ و پہاڑ
۱۰۲	۷۸	سُجے دل دے کھوے اندر	۷۸	سوہنے شہر دے سوہنے لوگو
۱۰۳	۷۹	جے یس ڈر گیا	۷۹	سوچاں وی ٹوٹی دے اندر
۱۰۵	۸۱	کدے کدے تے دل کروا اے	۸۱	اک ڈاکو ڈاکا مارا
۱۰۶	۸۲	چیت مہینہ چٹیاں لے کے	۸۲	پیلی درگیے سوہنے کڑیے
۱۰۸	۸۳	تیریاں اکھاں وچ ادا سی	۸۳	تھنڈے سیت ناران وچ
۱۱۰	۸۵	نہ کوئی جھگڑا نہ کوئی جھپٹا	۸۵	تیری گلی چوں ننگس لگیاں
۱۱۱	۸۶	شہرت نامور دا گٹرا چیاں باگیاں دیوے	۸۶	لوکاں کوں مَنہ لکاندا
۱۱۲	۸۷	درگاں تے فاتحہ مگروں	۸۷	سینگل بینڈ دا ریڈیو مے
۱۱۳	۸۹	ہاریا، پینا، مٹیا بندا	۸۹	اودھ اسمانیں پکڑ لاکے اُترن لگا پور
۱۱۴	۹۲	نہ کوئی دکھ نہ روگ ہماری	۹۲	گرہی توں اُنٹھ کے صوفے تے جا بہنا
۱۱۶	۹۵	میرے دل دے کاٹھ گدام وچ	۹۵	ہڈھا بگھا ڈھکا
۱۲۰	۹۷	پالا گئے رات نوں	۹۷	اک دن شہی مسجد وچوں
	۹۹		۹۹	کالے کالے ہتھاں اُٹے لال لال مہندی

کاں کاں کاں  
 میں کیڑے پاسے جاں  
 اندر باہر چار چھیرے  
 ہر تھاں تیرا ناں  
 ”کتھے اے بی ڈیرا تیرا  
 کتھے تیرا گراں؟“  
 مینوں پچھے چھٹی رساں  
 میں اوہنوں کیہہ آکھاں

## 2

میرے دل دا محرم تُوں  
رَبّا! توئیواں تُوں

اوہ وی میرے دل دیاں جانے

میری ہر ہر رمز پچھانے

ہس دی جاتے، نس دی جاتے

کول نہ آتے

فیروی، رَبّا! تُوں

توئیواں تُوں



## 3

سوہنے رب دا لین نظارہ

مُونہ ہنیرے

چوتھی منزل اُتے چڑھیا

گلی اٹ بنیرے اُتے

نیلے رنگ دا بھبھٹ بیٹھا

سارا سوہنا

دوویں نیلے پر دی سوہنے

سجا کھتے توں دی سوہنا

4

تُوں تُوں تُوں  
 پلینجا پنچے رُوں  
 پھٹی دے وچ گرمی تیری  
 وچ گرمی خوشبو  
 نہ اپنا آپ لکو  
 کدے انتھیاں کول کھلو  
 ایس پلینچے دے طنبور نال  
 میرا کنبے اک اک تُوں

مینوں دس ، لہندے دیا سوہنیا !  
کتنے جادواں لبھن نوں





## 5

اسیں کل مُکّے رہنا  
 وِج بازاریں مجمعِ لا کے  
 اُچّی اُچّی حال دُہائی  
 پا کے ، روندیاں رہنا  
 اسیں کل مُکّے رہنا

تیری چلی سِدھی کر کے  
 مُستے پترِ دامونہ چُسم کے

مُونہ ہنیرے بُوہا لاه کے

سُتیاں کُتیاں کو لوں لنگھنا

جا نیا میں بہنا

اسیں کل مُکھے رہنا

تیرے ناں دی تسی پھر کے

اپنا قصہ کہنا

اسیں کل مُکھے رہنا



## 6


ادھی راتیں اُتو بولن  
 چوراں گٹھاں ملّیاں  
 ٹھنڈی سیت ہوا دے بِلے  
 ٹُٹی طاقتی کھولن

لیف دے وچوں ہسکڈھاں، چوراں دا بھوڈراوے  
 جے میں اندر موند نہ کراں اوہ کڑی نطن نہ آوے  
 جیہڑی چلدی گڈی دے وچ ہسرباری نال لا کے  
 ٹھنڈی سیت ہوا دے پاروں اتھرو کیر دی جاوے





پکھی دس کٹورا لیکے آہا منگن آئی  
 جیہڑا آج تیکن نہ ڈٹھا  
 بجلی دے لشکارے وانگوں آیا — چلا گیا  
 اوہ دی کھلو گیا  
 بابا ڈاکب



## 8

میری شکل اے تیرے درگی  
تیری اے کس درگی  
کُش وی مینوں نظر نہ آوے  
جناپینڈا مکتے میرا  
اونا رہ جاتے ہور  
کو جھی میری ٹور



9

پھٹے مونہہ، اوئے کھوتیا!  
 کابھی ہوس کھوتیا  
 آجا پھانک توڑ کے  
 ہر نال کن چموڑ کے  
 جیل دے اندر چارے پاسے گوڑے گوڑے گھا  
 آجا میزے کول  
 رنج کے ایہنوں کھا

10


لُڈو کھیڈے یارِ نال

نمھا سینٹ لگا کے

نکر چکے بسترے

اوہا نام دھیا کے







میرے کول کیا دی شو شک  
تیرے کول اے لکت  
ماراں اک — کہ چھڈ کے سوٹی  
لکت دِیچ پالاں ہتھ



## 12

چھاؤنی آ لے پُل توں

پہلاں لنگھیا مُنڈا

فیر لنگھی کُڑی

فیر لنگھی چٹی کار

ہسٹھوں لنگھی تیز گام

بندیاں نال بھری

ایڈا سوہنا دن سی

میں چھٹی لے لئی



کندهاں اُتے دیلاں چڑھیاں

دیلاں اُتے سَپ

اپنیاں پیٹاں دین نوں

نپت کے کبل رکھ





14

دل دریا سمندروں ڈونگھے  
 وچ سمندراں بوتل، سادے رنگ دی  
 ایس - او - ایس دی پرچی اُتے  
 پیٹے داہی عشق کہانی  
 موت دا ہانی منگدی




15

قلعے دی کندھ تے باہر بھجے  
 کچھاں وچ دو بندے پھر کے  
 جیٹری کچھ وچ بوہتا مڑھکا  
 او سے کچھ دا بندہ رووے  
 بونداں ڈگن وارو وار  
 اک اتھرو، اک مڑھکے دی  
 ہیٹھ وگے دریا — دھولی دھار

## 16

اوکھا گھاٹ فقیری دا، بھٹی ! اوکھا گھاٹ فقیری دا  
 مسلاں دے وچ ویلا کڈھنا، میننگ دے وچ بہنا  
 اوکھیاں دے نال متھالا کے، یس سر! یس سر! کہنا  
 ہسدے ہسدے رہنا

اپنی سیٹ تے عاجز بن کے اگے ہو کے بہنا  
 مُرشد موہرے گل نہ کرنی، جو آکھے سو سہنا  
 دنیا داری کم نئیں، ایہہ کم ہے پتا چیری دا  
 اوکھا گھاٹ فقیری دا





17

بال کھیڈ دے آپڑ ٹاپو  
 کڑیاں کیڑی کاڑا  
 نم دے ہٹیٹھاں پٹیرھی ڈاہ کے  
 بھابی اُندی نالا  
 زینب چٹھی لکھدی  
 بیری اُتے پوڈے لا کے  
 بکری پتھر کھاوے

سُنج مُنجا دیہڑہ  
کُش وی نظر نہ آوے  
دستے تینوں کیہڑا  
کون تینوں سمجھاوے



بدل گئے — مینہ دتے

پر نالے نئے

بجلی گڑھکے — ہتے

باہر تراٹے ، اندر مچھنب

لہرے تیرا نقشہ

بھلے صورت تیری





ادکھا عشق سستی دا — بُری پھسی دا  
 تھل وِچ بلدا ، تپدا ، گلدا رووے زار و زار  
 ٹھنڈی دا دا بُلا میرا پیار  
 راہ جانڈیاں تو اکھ بچا کے  
 باری وچوں وڑکے — پشلی سیٹ دے اُتے چڑھکے  
 جوڑا دیکھے  
 کڑی چلاوے کار — ٹھنڈی ٹھار



0153,1N45x  
m8



## 20

بُت کر یلے دھاگے بدھے ، سوہنے پکتے  
 روٹی دیسی کنک دی تندوروں لٹھی  
 اک جگ ٹھنڈی پتلی لسی  
 وچ ٹنک دی ڈلی برف دی — وڈی ساری  
 اک سرہانا ، واہ واہ  
 دوہرا تیرا ہوون جوگا  
 فل سپیڈ تے سیلنگ فین کیپیٹر ٹائپ  
 بُشرٹ ہُن لاه دیاں تے رہن دیاں بنیان  
 فَبَايَ الْاٰءِ رَبِّكُمَا تُكَذِّبُنِ



## 21

گھورے اندر تھاپیاں — وچ بھڑولے دلنے  
 چوچیاں اُتے کالی شاہ منارک تنبوتانے  
 کوٹھے اُتے پورا گڈی لال اداوے  
 ہیٹھاں بولی بیٹھ کے نوٹہ توں گت کرائے  
 کھیترو وچ برسم دی درجی سنگھنی لو  
 بابے ابراہیم دے آڑھتے سرسو  
 تیجے سوئے تلبھی مینہ — کٹی پنج کلیان  
 فَبَايَ الْاِءِ رَبِّكُمَا تَكْذِبُن



## 22

جتنے میرے یار سی، سارے مل گئے آج  
 کسے نہ مہنا ماریا، کسے نہ لائی بیج  
 جیتھی پانی گھٹ کے، دتی ایسی مہک  
 میرے اندر رچ گیا پیرا، رمل، ٹنیک  
 بگڑٹ لائٹر جگ پیا، اکو رگڑ دے نال  
 نہ پیا ادھنوں جھڑکنا، نہ پسی کڈھنی گالھ  
 ٹکٹاں اٹلی والیاں، سوہنا شہر ملان

جسدے خط دی تا نگھ سی، دے گیا چٹھی رسان  
 گرمی ہندیاں سُنڈیاں شہر دے سبھ وِ دوان  
 حلقے دِج مضمون تے ہوتے نہ جُتی پتان  
 فَبَايَ الْاِءِ رَبِّكُمَا تُكَذِّبُن



## 23

آجا ! بہہ جا دو گھڑی  
 ٹیلی ویژن دیکھ لے  
 توں دی اکھاں سیک لے  
 مُنڈے تیرے کھیڈ دے ساڈے مُنڈیاں نال  
 بیوی میری چھنڈ دی جادے گلے وال  
 دے تیرے خاوند نوں اپنی سس دال  
 توں دی بہہ جا دو گھڑی  
 نہ کر ایڈی کالھ  
 ٹیلی ویژن دیکھ لے

## 24

”اسم شریف جناب دا ہے“

”کیوں کیہہ گل اے؟“

”چھتی نمبر گھر، محلہ ماشکیاں دا، ایہو ای اے؟“

”کیوں کیہہ گل اے؟“

”شیخ سلیمان ولد نیاز محمد آرٹھتی“

”کیوں کیہہ گل اے؟“

”اوہناں دا وارنٹ اے“

”شیخ صاحب داہنڈے گئے نیں، پرسوں تک آجان گے“



”میراناں، غلام محمد کا ٹیلبل، چونا منڈی“  
 ”آن گے تے دس دیاں گا، آپے اپڑ جان گے“

”پر — اسم شریف جناب دا“

”میرے اسم شریف نوں چھڈو

لعنت بھیجو، گولی مارو

”آن گے تے دس دیاں گا، آپے اپڑ جان گے“



25

ڈاکخانے دا لال بمبا  
 پیلے رنگ دی کڑی  
 دہیہ پیسے دیاں ٹکٹاں لگی  
 نیلے رنگ دی پڑی  
 پوسٹ کراں کہ نہ کراں ؟  
 سوچے گھڑی مڑی







26

وڈے وڈے شاہ شکندر

توپاں تے تلواراں والے

موڈھیاں اُتوں تھکدے لنگھے

کیستی بہت تباہی

اوہناں دیاں نشانیاں

دبّھ ، سرکڑا ، کاہی





## 27

بکراں ہیٹھاں کھال  
 کھال وچ بکریاں  
 بگیاں، کالیاں، لال تے ڈب کھڑتیاں  
 سجر سوتیاں، پھالیں لگیاں  
 نیڑے بکر وال خوشی وچ ٹہکے  
 تے آکھے، ”چھے چھے“  
 پٹھوے بولن  
 توتے ہتھ چھڈ کے  
 ماہنیاں اندر ڈولن

28

بندیاں نوں کیہہ کہنا  
کاہدا غصہ کرنا  
میرے نال تے چونک دی بیتی کردی نت دھرو  
جدوں دی لنگھن لگاں  
رتی کر لے لو

29

نیلے کچ دوپٹے والی، کالی شاہ مسٹیار

پیار دے نال بھری

سر تے گھاہ دا پولا دھر کے

بے وس بھٹی جاوے

بھار سہیا نہ جاوے

30

واہ وا سوہنا شہر سی  
 سوہنے سوہنے لوک  
 راہ جانڈیاں نوں دیکھ کے  
 ہس کے لیندے روک  
 کھلے بُوہے باریاں  
 کوئی روک نہ ٹوک



میرے دل دے چور نے

خوف دی ماری نوک

آکھیا، شاہِ تقین جی !

چھڈ دیو ایہہ جھوک



رات نوں بولن والیے ٹڈیئے !


ڈر نہ ، بولی جا

بولدے ای لہ جان گے

سارے ایتے راہ



شاماں ویلے پیلی دُھپ وچ  
 اَر پورٹ دے باہر  
 تُوں تے اک کڑی  
 رینگ دے نال موڈھے لاکے  
 گلاں کر دے رہے  
 دوویں اکھاں نیویاں کر کے  
 بونگ دی شاں شاں دے پچھے





ہو کے بھر دے رہے  
 رستوران دے شیشے وچوں، مینوں دسدے رہے  
 میں دست گھول دی رہی  
 تے صبر شکر دا پلا پھڑ، بد دُعائیاں دیندی رہی  
 نالے کوکا پیندی رہی



33

چھ درھے دا میرا کاکا  
 ایڈا ای میرا ہاسا  
 ددویں سکے بھرا  
 اگلے سُکِردار نوں  
 دوہاں دی سِگرہ



34

جس دیلے میں کل مُکلا  
 موڑھیاں اُتے بھورا پا کے  
 ڈھو کُرسی نال لا کے  
 تیری یاد نوں کچھڑ بہاواں  
 روندی نوں پرچاواں  
 اتھرو پونجھاں  
 گلاں دے دِج لاواں



اوسے ویلے، توں دی میری یاد نوں دل نال لا کے

چپس دا پکیٹ کھولھیں

چوڑیاں والا ہتھ ددھا کے

ہولی ہولی بولیں

اپنے جیٹھ نوں آکھیں :

”بھاجی ! تسیں دی لود“

ساہمنے دِلن بڑھک مار کے آکھے ”بوہ“، او بوہ !“





35

تیرے نال محبت پا کے  
 خوشیاں نون گل لایا  
 تے گل نال لگیاں خوشیاں نوں  
 بھبھاں مار روایا  
 جم جم سرمستھے ایہہ خوشیاں  
 جی آیاں نون چا  
 جیناں ہوکیاں کنوں بچایا  
 سانوں چپ دا بھیت سکھایا

## 36

جے میں کالی سُس سُس کر دی  
مینہ دے اُتے بہہ کے

ہتھ وچ گتا لے کے

گل وچ گاتی پا کے

دل وچ ڈھولا گاندا

تیرے بُو ہے آندا

کر دی مینوں پیار ؟

دیکھ ! اشارہ بدل گیا اے

ہولی کر لے کار



بُدھا ہویا ، گُتّا ہویا

دُنڈیں چھیراں پتیاں

میں کو جھجا ہویا

بولا بَدَل ، اٹھا مُورا

فیر دی سبّھر کھڑیاں کلیاں

بوٹا ہار سنگار دا

چھوٹے چھوٹے ٹھیل



کردے مینوں پیار  
پاندے میرا نل



38

ادھی راتیں چُپ چُپیتے  
 نازک کڑی محلے دی  
 بندھ کے گٹھڑی روگاں دالی  
 وچ دریا دے روڑھن چلی  
 نویں پُرانے دُکھ  
 شوہ دریا دے کنڈھے کنڈھے  
 ملاحوال دیاں قبریں  
 ڈگے ڈھٹھے رُکھ

ٹھنڈی وا دے بُلے  
 سُنج مُنجا رستہ  
 کل مُکلی ذات  
 مُڑ کے گھر نہ آئی  
 کدے نہ پائی جھات  
 خبرے اوتھے ہووے  
 جتھے لوکی کسندے  
 چھی مہینیاں دا دن ہندا اے  
 چھی مہینیاں دی رات



39

بابا بدھ

بوڑھ ہسٹھاں بیٹھا بیٹھا

اکھاں نوڑ کے

جے کر کھنڈا

”کڑیے گراں دیے !

قد بُت والے !

کڈی سوہنی لگدی ایں !“

مینوں کیویں پتا لگدا

کرن بھیت کھولدا



۷۰

ایڈا سیانا ہو کے بابا بڈھ

دسو لو کو!

”پالی“ کیوں سی بولدا؟



درھیاں پچھوں یاد نے تیری آگنڈی کھڑکائی

دلہے کالے بُرے اُتے

ون سونیاں شکلاں والے

چُجھک مار دے کوکیاں دچوں

مُندری دی ٹھاک آئی

میری نوٹہ نے بوہا لاه کے

باہر جھاتی پائی

دوویں پاتے دیکھ کے پرتی  
مینوں پچھن لگی

بابا ! ایستھے کون سی ؟

کس بُرا کھڑکایا سی ؟

کون ساڈے گھر آیا سی ؟


میں کہیا ، دھیے رانیے !

تیرا میرا دہم سی

تیرا میرا چا سی









41

جے ایڈا مشہور نہ ہندا  
 ایڈی میری ٹیں نہ ہندی  
 جے میرے دچ میں نہ ہندی  
 دادی دے گھر رہندا  
 تتی روٹی کھاندا  
 چلھے مورھے بہندا

## 42

اُچے اُچے ، تیکھے تیکھے ، کالے شاہ پہاڑ  
 سوگ سچ ڈبئی ہو کے بھر دی ، کنبن ہار اجاڑ  
 چُپ چاں دی گھوکر اندر  
 ور لے ور لے گھر  
 ٹیڈھی راہ تے ہیٹھاں تگدیاں  
 سوچ دی جائے ڈر  
 پتھر اُتے تیردوں تنگا ، آکا باکا کا کا  
 بکریاں دار اکھا

بے خبر! انجان  
 اپنی گل نہ سمجھے  
 اپنا وی نہ جانے  
 رات نون سوون لگے  
 جدوں دوپٹہ لاہویں  
 کیٹرے پاتے رکھیں  
 کیٹرے پاتے سوویں



43

سوہنے شہر دے، سوہنے لوکو !

پُھلاں دیاں پوشاکاں پا کے

آپس دے وچ گلاں کر دے

مینوں وی کش دتسو

میرا وی نوٹس لو

میرے تے وی ہسو





سوچاں دی ٹوٹی دے اندر  
 وقت دی کھاہی وائل وچوں  
 تیری یاد دے تیکے ڈگن  
 دلہے ایس کھرے تے  
 آسے پاسے کیچل میلا  
 قدم چلتے دا تنکے  
 آخری اری کدوں ملی سیں

سوچاں دی ٹوٹی دے اندر  
 وقت دی کھاہی وائل وچوں  
 تیری یاد دے تیکے ڈگن  
 دلہے ایس کھرے تے  
 آسے پاسے کیچل میلا  
 قدم چلتے دا تنکے  
 آخری اری کدوں ملی سیں

کیہہ آکھیا سی بل کے ؟  
کُش وی یاد نہ آوے  
ٹھنڈی واپرے دی وگے  
دُھپ اسمائیں چلکے



45

اک ڈاکو ڈاکہ ماریا  
 میرا لٹ لیا مال متاع  
 میں ہٹا دتا رہ گیا  
 میری کوئی نہ چلی واہ  
 دیاں سیال اوس بے ترس نوں  
 جس جھگتا دتا ڈھاہ  
 اوہ ڈاڈھا ڈھول ڈکیت اے  
 توں ڈاڈھا بے پرواہ



46

پیلی ورگیے، سوہنیے کڑیے !  
 ٹانڈے وانگوں لیے !  
 یار دے موڈھے بھار پاندیے !  
 رُ نہ ہولی ہولی  
 چھیتی چھیتی لنگھ جاتھوں  
 میں تیرا بھکڑا پوہلی



47

ٹھنڈے سیت ناران وچ وگے پیا کنہار  
 رُکھاں دے اخروٹ تے بیٹھی آن بہار  
 اپنے پھنگ کھلار کے کر دی کوک پکار  
 ستیا جٹا! جاگ او! ہُن مشکل ایہو پھر

بیٹھی اے دیوان تے سوچاں دے وچکار  
 پٹ تے اپنے رکھ کے جٹ دے سردا بھار  
 مٹکی زلفاں وچ کرے انگلاں دی تکرار

آکھے :

پھوکاں یس بہارنوں ، جس اتنا پایا شور  
 لانبو لگے کنہارنوں ، جیہدی رولا پاؤندی ٹور  
 میں بوہتا کش نہ منگدی ، میری عرض کوئی نہ ہور  
 اوہ تھکیا ٹٹیا سوں رہوے ، گھڑی رہوے نیند دا زور  
 جے اوہ جاگیا وچ ناران دے ، میں مر جاں گی وچ لہور  
 سُن! سیٹی وچ گئی صاحبان ! اٹھ کر لے چاہ تیار  
 تیرے خاوند مینگ جاؤنا ، جیہدا لاکھا کاروبار  
 جیڑا اچیاں اگے مینا ، تے لیلیاں اگے ہنکار  
 جے بیٹھی رہ گینوں تخت تے ، تینوں مہنگا پو پیار  
 بھل پتھر دل ناران نوں تے شوہ کنہار دسار  
 سن و نخل کنہدا صاحبان

کدے سوچیاں میت نہ آوندے ، کدے رویاں نہ ملدے یار





تیری گلی چوں لنگھن لگیاں

سو داری ایسہ ہویا

کے نہ بڑھا کھولیا

کے نہ کھلا ڈھویا



49

لوکاں کو لوں مُونہہ لُکاؤدا  
 جدوں دی سیرنوں کلا جاواں  
 میرے نال گوانڈھیاں دا  
 اوہ کُتا ٹُر پیندا اے  
 جیڑا میرے گھر دیاں اُتے  
 گل گل تے پیندا اے  
 جیڑا میرے یاراں دے نال  
 گل گل تے کھنڈا اے

50

سِنگل بِنڈ دا ریڈیو میں  
 میرا اُٹھا مُورا واج  
 ساری عمرے میرے اُتے  
 اُکو ٹیشن وِجدا رہیا  
 اُکو اناؤنسر گجدا رہیا  
 پرسوں راتیں اپن چیت  
 رب جانے کیہہ ہويا  
 میرا سرکٹ وِگڑ گیا  
 کوئی ٹانکا ڈھلا ہو گیا  
 یا پوائنٹ کوئی کھنچھ کے  
 کہتے ہوویں چمبڑ گیا

ہُن دُوروں — دُور دُراڈیوں

اک، نمٹھی جیہی آواز

ایس سنگل بٹنڈ دے نال نال

سُئی جاندی اے، پئی آندی اے

پردے دے دے کُش پاز

میرا دتس نہ چلے ایس تے

ایہ نہ مَنے میرا آکھا

ایہ اکو لورچ بولدی

جی آیاں نوں! — رت راکھا

## 51

ادھ اسمائیں چکر لاکے اُترن لگا پُر  
 اگا نیڑے آگیا تے پچھا رہ گیا دُور  
 توں بٹھ حفاظتی بند، کڑے !  
 ہُن تھوڑا رہ گیا پندھ، کڑے !  
 نہ ہتھ راس دے اتے کڑیئے، نہ وچ پیر رکاب  
 نہ مرکب تے زور  
 اکو ایہو بند  
 بٹھ حفاظتی بند  
 گتھلا کھول کے کڈھ لے کاغذ  
 جے تُوں اگتے لگھنا، نہنیوں سنگنا  
 صاحب دے گھر وںجھنا



یار دے بُو ہے لہتن لگے  
 چارے انجن شوہ شوہ بولن  
 شوہ دے دیہڑے اُترن لگے  
 پھنگاں اُتے کل کا بلے، پیچ ڈھبریاں  
 سارے اُترن نوں پر توں  
 کنبدے پنجرناں کنبدے  
 کل کا بلے، پیچ ڈھبریاں  
 توں توں بولن  
 توں دی سوہنیے، کلے کڑیے !  
 گھر دیاں کولوں رُسیے !  
 ڈبیے کنبن ہارے !  
 تن طنبور رگاں دیاں تاراں  
 گھٹ کے رکھ ایہہ تہ  
 بچہ حفاظتی بند

انڈر کیرج گنبد وچوں  
 مستحائیلن باہر آئی  
 توں دی ہوتیار  
 اکو ٹھنڈا ساہ ولھیٹ کے  
 میچ لے اپنے دند  
 بند حفاظتی بند  
 رہ گیا تھوڑا پنڈھ



52

کُرسی اُتوں اُٹھ کے ، صوفے تے جا بہنا  
 سبھ دیاں گلاں سُنیاں ، مُونہوں کُش نہ کہنا  
 بُڑھے باریاں مار کے ، خوشیاں دے دے وچ رہنا  
 بختاں والے آدمی بھاگیں بھریا لہنا







## 53

بدھا بگا ڈھکا  
 بگی برف دا پہاڑ  
 ہل بوج وگدے دیہڑکیاں توں دو مربے دُور  
 نہر دے کندھے، بگراں مہیٹھاں  
 ٹٹی گڈ نال بدھا  
 کھلا کھاوے، موج اڈاوے  
 کوئی کم نہ کار  
 سوکھا ویلا، سوکھے دن  
 سوکھے سال مہینے  
 پٹ تے لٹیا ناں مالک دا

سادن دے وچ رستے  
 پُوشل نال اڈاوے کھتی  
 اکھاں توں نہ دتے  
 ایسے طراں وجود چ میرے  
 داغ ہے تیرے ناں دا  
 مڑھکا تیرے ساںہ دا  
 چیتا تیری "ناںہ" دا  
 ہور دی کئی دینے  
 سوکھے سال مہینے



## 54

اکدن شاہی مسجد وچوں  
 میں تے میرے دلدا چور  
 ڈیگر پڑھ کے نکلے  
 چپ چپیتے نمھو جھانے  
 اکدو بے توں رتے رتے  
 اگڑ پچھڑ رڈے رڈے  
 ہوٹل وچ جا بیٹھے  
 ہاف سیٹ دا آڈر دے کے، لے بیٹھے اخبار  
 پڑھدے جایتے، دیندے جایتے  
 دارو داری باہر  
 ورھدے مینہ وچ مڑھکو مڑھکی گھوڑیاں دی کھڑکار

چنگاں پھڈی دھپ دے اندر

کنیاں دی گھمکار

اپنی اپنی چار دی پیالی پی کے اٹھن لگے

پیسے کڈھن واری

اوپنے میری دینی پھڑکے، ہنس کے کہیا : سرکار !

سانوں دی تے خدمت دا اک موقع عطا فرماؤ

ساڈا دی دل رکھو

سانوں دی ازماؤ

اگے ددھکے ہوٹل دے کاؤنٹر تے پیسے دھر کے

کوٹ دے کالر اُچے کر کے، فیلٹ نوں پیواں کر کے

بوسے وچوں بجلی دا انگوں باہر نکل گیا

گڈر گڈری دے ویاہ دا جابجی بن گیا





55

کالے کالے ہتھ اُتے لال لال مہندی  
 ننگی بچھی گوری

سبھ دے ساہمنے بیٹھ کے رو دے چوری چوری  
 آکھے : جے میں رونا ای سی

کر ای لیندی پیار  
 پرہن دیلا دیت گیا  
 نہ بادشاہ ، نہ گھمیار

مہر محبت روہی ریتڑ  
 عاشقیاں دے سُنجے ڈھوک  
 توڑ نبھانے سرے چڑھانے  
 پیڑے گتے سکتے پھوک  
 شاہِ تلقینا یاری لا کے  
 توڑن والے اُپتے لوک

57

منہ ہنسیرے اٹھ کے سیر کرنی پندی اے  
 ستیاں نوں دیکھ اللہ خیر کرنی پندی اے  
 شیو کرنی پندی اے شنگار کرنا پندا اے  
 اپنے وجود نوں پیار کرنا پندا اے  
 دھر کے اخبار مورھے دودھ پینا پندا اے  
 بعضے بعضے بندیاں نوں روز جینا پندا اے

## 58

سنجے دل دے کھولے اندر  
 ٹٹے کھستے راہی باہجوں  
 ہور کوئی نہ آوے  
 کوئی نہ پھیرا پاوے  
 پرتوں کدھر وڑ آئی ایں  
 پاٹیاں کندھاں، ڈھٹھے بوہے  
 فرشاں اُتے گھاہ  
 بینڈے ساہنے کوڑھ کر لیاں  
 اوکھے لیندے ساہ  
 چھیتی فوٹو چھک لے کُڑیے  
 ہور نہ جانویں ڈھا



59

جے میں ڈر گیا  
ٹھک گیا ، مر گیا  
توں رہی جیونندی  
میرے نال وعدہ کر  
اک واری ملیں گی  
اوس ہرکارے نوں  
جیڑھا ساڈے نیلے خط

ہس کے لجانو دا  
جے اسیں لہندے  
جے اسیں پانودے  
جے اسیں پیار کردے  
نال نال رہن دا  
جین دا یاں مرن دا  
دلوں اقرار کردے



60

کدے کدے تے دل کردا لے  
 وڈے سارے جلسے اندر  
 اُچی جیہی سیٹج دے اُتے  
 توتیوں توں ای ہرویں  
 سبھ تیرے جس گادون  
 وارو داری اگتے ودھکے  
 تینوں گل نال لاؤن  
 گھٹ گھٹ جپتھیاں پاؤن

میں ٹاہلی تے چڑھ کے  
اُچا ہو کے  
رستہ پھڑکے  
اپنے آپ نوں تولّاں  
نوٹ سپیکر کھولّاں





61

چیت مہینہ چمٹیاں لیکے  
 میرے دلوں جاوے  
 تیرے بُرے آوے  
 گنڈھڑی کھولے  
 رنگ برنگے ٹوٹے کڈھے  
 کھلا من دا جاوے



62

تیریاں اکھاں وچ اُداسی  
تیرے مونہہ تے ہاسا  
ہتھاں دے وچ مہر محبت  
اُنکلاں وچ دلاسا  
پتا نہیں ، اوہ کون ہووے گی ؟  
جس دی ماں بنیں گی

پا کے جسدیاں بانہواں گل وچ

ہردم چمندی رہیں گی

پھر کے جسدے ہمتہ ایانے

رات نوں روندی رہیں گی



63

نہ کوئی جھگڑا نہ کوئی جھپٹا

نہ سدھرنہ آس

اک کمرے وچ چُپ چلتے

ساہ روک کے تے بیٹھے

آنے سامنے اوہ تے میں

دوہاں دے وچکار گلاس



شہرت ناموری دانکڑ اُچیاں بانگال دیوے  
 پھنگ کھلارے ، دھون ہلاوے ، کھاوے مسٹھے میوے  
 وچے کھاراں ، وچے تاڑاں ، وچے روپ بہاراں  
 وچے چھریاں تیز پھلاں دیاں دستے لگے تھیوے

65

درگا ہنواں تے فاتحہ مگروں  
 پوڑیاں نوں وی ہونج لئی دا اے  
 بوسے نوں کھڑکان توں پہلاں  
 اتھرواں نوں پونج لئی دا اے

66

ہاریا، پینا، ٹٹیا بند  
 کڈا سوہنا لگدا اے  
 جنے کھنے نوں خوشیاں بخشے  
 ہاسا سارے جگ دا اے  
 اپنی ہاردا جھنڈا پھڑکے گلیاں دے وچ وگدا اے  
 جس دے سوہنے متھے اُتے  
 ہاردا لاٹو جگ دا اے

67

نہ کوئی دُکھ نہ روگ ہماری

نہ ای کوئی پیڑ

نہ ای کوئی ساہ اولّا

نہ ای دل دِ لگیر

ہسن کھیڈن والا مُنڈا

کُڑیاں کولوں سوہنا

منہ چت لگدا گبھرو

بھولاتے من موہنا



جدوں وی اٹھن لگے  
 موہڑھا اُچا کر کے  
 بُلھاں دے ویچ آکھے  
 ”کلمہ شہادت“  
 اِکو بھیری عادت

68

میرے دل دے کاٹھ گدام دہج  
 وڈے وڈے پھٹے  
 چھوٹے چھوٹے بالے  
 ونگیاں ٹیڈھیاں کڑیاں  
 گو بنھن دے رستے  
 چتے ٹین کنستر  
 سارے کت نال کالے  
 ایناں دے وچکار



چنن دی اک کُرسی  
شیشیاں نال جڑی  
تیریاں راہواں تیکے  
دھوڑاں نال بھری





69



پالا لگے رات نوں  
مینوں دکھاں دا کبل دے  
میں اوکھا دینہ گزاریا  
مینوں سوکھا ہوون دے

